

# Pace

Mi designate in dernu  
Quando morgu in a folla  
Piatta in a prumessa frolla  
Di un dumane fraternu

Mi cantate à strappavoce  
Da sfugà doli è ferite  
Mischjata à tante lite  
Chì vi mettenu in croce

**Ùn aghju nisunu culore  
È più pocu religione  
Campu solu à cundizione  
Di un cumunu amore  
Quando più ùn si discorre  
Ma s'intrattene l'unione**

Mi bramate à palesu  
Per un mondu più felice  
Pruclamata fendu nice  
Chì u male s'hè arresu

Mi pregate per dumane  
Cum'è un'ultima speranza  
Mugata da l'ignurenza  
Di e pazzie umane...

**Ùn aghju nisunu culore  
È più pocu religione  
Campu solu à cundizione  
Di un cumunu amore  
Quando più ùn si discorre  
Ma s'intrattene l'unione**

**Ùn aghju nisunu culore  
È più pocu religione**

**Campu solu à cundizione  
Di un cumunu amore  
Quandu più ùn si discorre  
Ma s'intrattene l'unione**

G.F. Terrazzoni

F. Santucci – J.D. Bianco